

10067

=73





皇朝文獻通考卷一百二十五

王禮考

臣等謹案周官宗伯掌邦禮治神人和上下禮之

大綱有五曰吉凶軍賓嘉至於節文度數之詳則

記所謂經禮三百曲禮三千是也禮之用通乎上

下故自王朝達乎諸侯大夫及士庶人咸共由之

而議禮制度考文則歸於首出庶物之天子焉春

秋以降禮經殘缺漢興高堂生傳士禮十七篇卽

今所謂儀禮而河間獻王所獻周官禮分職三百





六十凡祭祀朝聘會同賓客燕饗與夫圭璧車旗  
冠冕服章無不備具蓋卽王朝之通禮而後世六  
典會要經世大典會典諸書實權輿於此朱子撰  
儀禮經傳通解分王朝禮邦國禮鄉禮學禮家禮  
之目其王朝禮十四卷則朝覲而外分土制國設  
官建侯名器師田刑辟咸附入焉夫臣庶以下冠  
婚喪祭之禮有歷久而廢及不爲限制者本無沿  
革不煩紀載故馬端臨文獻通考特立王禮一門  
取其通乎古今而代有沿革者若所載朝儀巡狩

田獵冠冕服章圭璧符璽車旗鹵簿及國恤山陵  
諸條蓋本諸朱子儀禮經傳通解之王朝禮而畧  
爲變通焉我

國家肇基東土

太祖登極建元首創朝儀

太宗式闢疆宇改元定號

郊壇

廟

朝之典以次修舉鹵簿冠服秩然有等開國規模洵稱



皇朝文獻通考 卷二百二十五

世祖一統中外制禮作樂參酌古今之宜而因革之省前代之煩文布

聖朝之新憲巍乎煥乎儀文大備

聖祖

世宗加意典禮次第修明康熙中

命儒臣修

大清會典雍正中復加增修煌煌鉅典小大率由我皇上敬

天尊

祖頒朝治官之典弗懈益虔

臨御之初

敕修

大清通禮

大清會典宣布海內至于禮器一書復加釐定按圖系

說固莫不美善同歸敷錫罔暨矣數十年來猶以

舊儀沿襲恐有未協訓行爰經

睿慮務損益之得中悉荷



裁成極推行之盡利舉凡

皇朝典禮郁郁彬彬理器該而經曲貫遐哉尚已臣等

嘗考三代以下漢叔孫通之朝儀其詳既不可盡

考若唐之開元禮宋之政和五禮新儀元之典章

明之集禮又皆有文無實煩冗而不適於用我

朝

列聖相承典章明備以闕睢麟趾之心行周官周禮之法

宜古宜今足為億萬世遵守今依馬氏例編次朝

儀以下等禮又增入

登極上

尊號

徽號

册立

册封

大皇子公主婚嫁等儀凡二十卷為王禮考云

朝儀

臣等謹案朝會之儀所以正名分辨等威萬國朝

宗共球畢集用昭中外一統之盛馬氏王禮考首



載朝儀今循其例首

皇帝三大節朝賀次常朝次

御門聽政次

皇太后

皇后三大節朝賀儀文彬彬乎盛矣

元旦朝賀

臣等謹案元旦者一歲之始冬至者一陽之始聖

節者人君之始帝王所以蒞萬方臣子所以尊君

上皆於是觀禮焉

本朝定為三大節元旦典禮尤重今列為朝儀之首

云

天命元年正月丙辰朔

太祖高皇帝御殿行慶賀禮

儀注恭載登極門始制朝儀每年受朝不備書

天聰元年正月己巳朔

太宗文皇帝率諸貝勒大臣拜

天畢

御殿受朝是日諸貝勒文武羣臣各按旗序行三跪九

叩頭禮大貝勒代善阿敏莽古爾泰以兄行



命列坐左右凡朝會之處悉如之

國制每於除夕元旦陳樂舞設大宴是日以三殿大

太祖喪撤樂停宴

六年正月己亥朔

御殿受朝賀次日筵宴先是五年十二月丙申

諭八旗諸大臣曰元旦朝賀堂陛之儀宜於整肅茲允衆

議先令八旗諸貝勒行禮察哈爾喀爾喀諸貝勒次之

滿洲蒙古漢官率各旗官員次之官員行禮時先總兵

官固山額真次副將次叅將遊擊護軍叢額真侍衛又

次備禦各分班序行禮是日

上率諸貝勒拜

天畢

御殿

上兩旁設二榻命大貝勒代善阿敏莽古爾泰坐諸貝勒

先朝賀畢令議政諸貝勒入殿內左右列坐次蒙

古諸貝勒及總兵官以下各行朝賀禮次朝鮮使

臣朝賀陳貢物於庭朝罷

上以兄禮詣代善第拜之舊例國人朝見



上與三大貝勒俱南面坐受八旗貝勒率大臣朝見不論  
旗分惟以年齒爲序至是更定八旗照旗分以次

朝見

十一月丁未

諭六部諸貝勒曰國家初設六部時滿洲蒙古漢人各部  
承政參政分爲二行定有班次近見朝會之時坐立無  
序尊卑紊越如此體統何由而肅乎嗣後爾等宜按次  
序班各加整飭

崇德元年定元日進慶賀表箋奏樂

又定元旦前三日至第九日止各官皆朝服

順治元年正月庚寅朔

世祖章皇帝御殿受朝賀停筵宴免上表並年例進獻  
令和碩禮親王代善勿拜

二年十二月庚子定元日前後七日王公百官皆  
朝服

丙午更定朝儀凡元旦慶賀

皇上先御武英殿內大臣兩翼護軍統領護軍叅領侍衛  
等內三院都察院大臣及禮部執事各官行禮畢



皇上御太和殿眾官跪迎及陞座諸王貝勒貝子公等奉  
表於階上行禮次兩翼滿洲蒙古漢軍各官次漢  
文武百官次朝鮮國進貢使臣次外國諸王使臣  
次吐魯番回回哈密衛人及董蘇固爾地方喇嘛  
等行禮

八年四月戊申定三大節禮儀凡元旦冬至

上詣

皇太后宮行禮畢還宮

降太和殿鳴鐘鼓作樂諸王文武百官行慶賀禮

六月壬子禮部議定凡遇大禮

上朝服御太和殿諸王以下文武羣臣朝服集

太和殿前行禮諸王貝勒由

午門兩傍門行固山貝子以下文武羣臣由

午門側兩掖門行諸王貝勒由

太和門兩傍門行固山貝子以下文武羣臣由

昭德門及

貞度門行每月常朝及奏事除中門外各門俱隨便

行走



皇朝文獻通考 卷三百三十三  
九月己卯頒慶賀表箋式於各藩土及督撫提鎮等衙門

是年定朝會賜羣臣坐之儀凡大朝常朝行禮畢賜羣臣坐郡王以上進

殿內貝子以下在丹陛上百官在丹墀內均照班次跪行一叩頭禮坐

皇帝進茶王公百官均就坐次行一叩禮光祿寺執事官授羣臣茶羣臣受茶就坐次行一叩禮飲畢復行一叩禮至十二年十月禮部復議大朝貝子公以

上同諸王行禮畢進

殿內兩傍列坐從之

九年設糾儀司員凡

御殿日設禮部司官四人於王公行禮處設吏部禮部司官各四人於百官行禮處糾儀

康熙元年定王公百官班位凡大朝及常朝齊集親王世子郡王長子貝勒貝子入八分鎮國公輔國公在丹陛上序立不入八分公民公侯伯鎮國將軍都統子尚書第一班輔國將軍護軍統領副



都統前鋒統領侍郎男步軍翼尉大九卿第二班  
奉國將軍一等侍衛護衛叅領輕車都尉步軍協  
尉小九卿郎中第三班奉恩將軍二等侍衛護衛  
騎都尉佐領員外郎科道官第四班三等侍衛護  
衛雲騎尉鳴贊官主事步軍尉第五班護軍校驍  
騎校筆帖式第六班其次各照職銜不論加級違  
者察處

十六年重定百官班位凡大朝及常朝齊集滿官  
公侯伯鎮國將軍都統尙書左都御史子及凡一

品官第一班輔國將軍護軍統領前鋒統領步軍  
統領副都統侍郎學士左副都御史通政使司通  
政使大理寺卿詹事府詹事男凡二品官第二班  
奉國將軍步軍翼尉長史參領一等侍衛護衛太  
常寺卿太僕寺卿光祿寺卿祭酒通政使司副使  
大理寺少卿少詹事侍讀學士侍講學士侍讀侍  
講庶子洗馬鴻臚寺卿理事官郎中給事中監察  
御史太常寺少卿太僕寺少卿輕車都尉及凡三  
品官第三班奉恩將軍步軍協尉佐領司儀長二



皇朝文獻通考 卷二百二十五  
等侍衛護衛欽天監監正內閣侍讀司業光祿寺  
少卿鴻臚寺少卿通政使司參議中允員外郎騎  
都尉及凡四品官第四班三等侍衛護衛雲騎尉  
步軍尉贊善欽天監副太常寺丞主事大理寺正  
光祿寺署正都察院經歷及凡五品官第五班護  
軍校驍騎校通政使司知事大理寺評事鳴贊司  
務司庫等各職掌官及六品筆帖式第六班七品  
官及七品筆帖式第七班八品官八品筆帖式第  
八班九品官九品筆帖式第九班漢官尚書左都

御史第一班侍郎學士左副都御史宗人府府丞  
通政使大理寺卿詹事第二班太常寺卿順天府  
尹太僕寺卿光祿寺卿通政使司副使大理寺少  
卿少詹事講讀學士祭酒庶子侍讀侍講洗馬鴻  
臚寺卿太常寺少卿順天府丞第三班通政使司  
參議大理寺丞中允贊善司業光祿寺少卿鴻臚  
寺少卿修撰編修檢討庶吉士給事中御史吏部  
司官五部郎中第四班五部員外郎宗人府經歷  
順天府治中欽天監正太醫院使光祿寺丞第五



皇朝文獻通考 卷二百二十五 十一  
班五部主事都察院經歷都事理藩院判大理寺  
正欽天監副太醫院判太常寺丞京府通判京縣  
知縣兵馬司指揮欽天監五官正鴻臚寺丞大理  
寺副光祿寺署正第六班大理寺評事太常寺博  
士中書科中書內閣典藉撰文中書辦事中書各  
部司務大理寺司務通政司經歷太常寺典簿京  
縣丞兵馬司副指揮鑾儀衛經歷詹事府主簿正  
字錄事翰林院典簿待詔京衛經歷欽天監五官  
靈臺郎祠祭署奉祀等官第七班五經博士國子

監丞博士典簿助教學正學錄典籍理藩院知事  
欽天監主簿五官保章正太醫院御醫太常寺協  
律郎等八品官第八班理藩院副太常寺贊禮郎  
鴻臚寺鳴贊等九品官第九班武職叅將遊擊在  
三班守備等官在四班千總等官在五班隨旗上  
朝官照在部院衙門職掌品級其降級上朝官照  
所降品級部院衙門官有兼銜則從其銜之大者  
二十年設滿漢糾儀御史凡

御殿日設滿御史東西各二人於王公行禮處設滿御史



皇朝文獻通考 卷二百二十五  
侍立糾儀

雍正元年正月辛巳朔

世宗憲皇帝詣

壽皇殿行禮不陞殿受賀前期禮部等衙門議言帝王卽

位首重元正元者歲之始正者月之始也故曰春

王正月所以紀卽位之始也雍正元年爲

龍飛之首歲

皇上孝思罔極卽不陞殿受賀而羣臣進表之禮斷不可

缺臣等請雍正元年元旦在京諸王百官恭進

皇太后表文

皇上表文仍照例呈覽交與內閣收貯將此表文式頒示

朝鮮直隸各省於雍正二年具奏冬至

萬壽節雖不受賀其表文亦照例具奏交與內閣收貯則

孝思已盡而國典亦全矣從之

二年正月丙子朔

御殿受朝賀宣表

始定漢官分東西班禮部奏准凡朔期漢官以吏



部禮部刑部宗人府通政司翰林院詹事府太常寺光祿寺鴻臚寺國子監吏科禮科刑科內閣中書欽天監太醫院列左班戶部兵部工部都察院大理寺鑾儀衛太僕寺四譯館中書科戶科兵科工科行人司

乾隆十三年裁

順天府五城兵馬司三營列

右班均立於鑾駕之末聽贊唱依次排班行禮

三年正月庚子朔

御殿受朝賀表文不宜讀先是二年十二月壬申禮部奏

元旦受賀禮儀

上謂大學士曰朕卽位之初諸王大臣奏請元旦陞殿受賀至再至三朕無可如何准於次年受賀今年元旦陞殿讀表時朕聽之不禁心傷淒然垂淚今尚未過二年著停止行禮壬午諸王大臣復請陞殿行禮

上曰諸王大臣雖請朕俯順輿情亦當思仰體朕意朕意以爲行慶賀禮以示萬國不若盡孝道以示天下三年元旦因行元年之禮故允所請去年允行長至之禮因

聖祖仁皇帝配

天大典朕不得已勉從衆請至於御殿進表受賀不比尋



常之御殿謝恩行禮也朕降此諭旨諸王大臣著即遵  
 行已丑諸王大臣又奏孝經言天子之孝得萬國之權  
 心以事其先王今元旦陞殿受賀錫福兆人  
 聖祖仁皇帝在天之靈必為欣慰與孝經之義相合得  
 旨諸王大臣引經據典陳懇再三著准行禮其表文但行  
 呈進不必宣讀

七年十二月

諭羣臣曰元日朝賀凡三品以上之大臣年逾七十者不  
 必隨班行禮俟百官朝賀禮畢朕還宮後至乾清門行

禮

乾隆元年正月丙申朔

上御太和殿中和韶樂設而不作諸王公文武各官朝  
 鮮使臣進表行慶賀禮表文不宣讀

十二月壬戌停止次年元旦朝賀禮部奏乾隆二  
 年元旦禮儀

上曰今歲元旦乃朕御極元年朝正大典禮制攸關且  
 在

皇考大事百日之外是以勉從諸王大臣所請御殿受朝



皇朝文獻通考 卷二百二十五  
明年元旦尙在二十七月之內陞殿受賀朕心不忍  
不必陞殿行禮

二年十二月定大學士於  
殿內

賜茶

諭曰朕御太和殿向來大學士皆立於殿外檐下卽於  
殿外賜茶嗣後立位仍照舊例賜茶時令坐於殿內  
領侍衛內大臣之上至十五年復

諭曰嗣後大學士坐次仍著在領侍御內大臣之上協

辦大學士事務尙書著在領侍衛內大臣之下署領  
侍衛內大臣之上

更定漢官東西班位以吏部戶部禮部列左班兵  
部刑部工部列右班至十一年復定六科班次隨  
六部分列吏科戶科禮科列左班兵科刑科工科  
列右班

七年令外省官在京者一例入班行禮凡外省文  
官督撫以下道府以上武寧將軍都統以下協領  
副將以上或入



覲或奉調在京者遇

御殿日一例入班行禮總督加尙書銜者列六部尙書  
之末巡撫加侍郎銜者列侍郎之末加副都御史  
者列副都御史之末布政使按察使列小九卿之  
末道府列部郎之末將軍都統提督列都統之末  
副都統總兵官列副都統之末協領副將列參領  
之末

八年重定

殿內

賜坐儀四品以下官停止

賜茶是歲奉

諭旨嗣後御殿及筵宴日殿內止大臣賜坐侍衛等均  
著侍立不必賜坐賜茶時若侍衛輪流奉授不無舛  
錯遺漏嗣後授茶時著禮部前期取應坐之王公大  
臣數目每一人令侍衛一人授茶仍依次接回庶不  
致舛錯遺漏尋禮部議奏

御殿日除文官三品武官二品以上照舊

賜茶其四品以下官惟



殿內之記注官丹墀內之外國使臣

賜坐

賜茶其餘百官但

賜坐停止

賜茶從之

十六年十二月重定百官朝班禮部奏准國家建

官列品各有正從次第秩然順治初文官階未置

一品惟加師保及宮銜者充之每常朝尚書左都

御史以二品居第一班侍郎內閣學士副都御史

通政使大理寺卿以三品居二班祭酒通政副使

大理太常太僕少卿鴻臚卿以四品居三班其下

五品居四班六品居五班位次率進本階一等此

舊典所載朝班之位也雍正八年改大學士為正

一品尚書左都御史從一品侍郎內閣學士從二

品乾隆十五年又改侍郎為正二品翰林院掌院

學士為從二品是今尚書左都御史之居一班侍

郎學士之居二班適與本階相稱而副都御史以

下班位仍舊實為越次臣愚以為官品既已更改



則朝班亦當釐定嗣後恭遇

御殿日及每月常朝百官班次請皆依品序列正從一品爲一班二品爲二班遞至九品分爲九班毋許越次至翰林詹事爲文學侍從之臣體統視庶僚爲優但舊典以五品列三班六七品列四班亦爲太過今擬少詹事侍讀學士侍講學士仍舊列三班庶子侍讀侍講洗馬國子監祭酒改列四班中允贊善司業修撰編修檢討庶吉士改列五班其京營武職朝班及外省提鎮等官遇事入朝者請

照康熙二十二年所定直省行禮班位提督二班總兵官三班副將參將四班遊擊五班守備六班千總等官七班均附於右翼各班之末

十八年十一月停止外省藩臬等官進表箋慶賀諭曰元旦長至萬壽三大節外省文官臬司以上武官副將以上例得隨進表箋稱賀朕思督撫提鎮封疆大吏事皆專達表賀爲宜藩司副將旣不得專達章疏其由督撫附進表箋亦可不必且不過由部送閣存貯並不呈覽此亦向來虛文陋習甚無取焉其概



行停止

二十二年五月增設朝會糾儀官員禮部奏准凡遇

陞殿日仗外百官班次恐有參錯不齊應於儀仗之後昭德

貞度二門階下東西各設滿漢御史二人禮部司員二人侍衛二人嚴行稽察

二十四年七月設紅漆木牌於仗外百官班次禮部議准凡大朝之期百官仗外侍立各有品級班

次但從前未經標示一定位恐百官站立不無參差斷續嗣後遇

陞殿日交鴻臚寺於儀仗之外照常朝坐班例設立紅漆木牌預先按次排班如有參差斷續錯綜者令糾儀官查叅

二十七年八月定慶賀題本式通政使司奏言此次貴州巡撫喬光烈慶賀萬壽本章面用黃綾內加黃簽與各省督撫互異請欽定式樣以昭畫一得



旨嗣後慶賀本章著照喬光烈之式

二十八年二月更定慶賀題本式通政使司奏准  
凡恭逢慶賀之期在京各部院衙門陳奏尋常事  
件俱用黃摺况慶賀本章事關大典請嗣後恭遇  
慶賀

皇太后

皇上本章及貼黃俱用黃紙其面頁仍用黃綾黃簽本  
內及貼黃俱毋庸另行加簽

皇帝三大節表式及朝賀儀先期諸王大學士率京朝

官直省文武率闔屬官具賀表豫送禮部其式曰  
具官 臣 某等誠懃誠忭稽首頓首

上

賀伏以

表聯隨 恭惟  
時撰擬

皇帝陛下

隨時 臣 等恭遇  
撰擬

熙朝欣逢元旦 恭遇

萬壽聖節則云欣逢  
聖誕冬至則云欣逢長至 伏願



隨時 臣等無任瞻  
撰擬

天仰

聖權忭之至謹奉

表稱

賀以

聞禮部屆期具疏請

皇帝御太和殿受賀

制報曰可

右表賀儀式

三十五年六月停止五經博士赴京朝賀

諭曰向遇國家慶典衍聖公以及五經博士俱有來京

朝賀之例今思五經博士雖膺章服之榮究與各省

紳士無異且其品秩不崇非若衍聖公之身膺顯爵

者可比伊等趨詣闕廷既無由一體延見加恩徒令

其跋涉往來致滋糜費甚無謂也嗣後五經博士凡

遇慶典俱在各本籍隨班行禮其來京朝賀之例著

永行停止至衍聖公孔昭煥昨已傳諭令其今年且

不必來京將來遇有朝賀之事並著先期奏請候旨



遵行著爲令

恭遇

皇上萬壽大慶聖節自初一日起至三十日止一月內  
王公百官應衣蟒袍其前後各三日照常朝處仍  
衣朝服均前期具奏請

旨通行在京衙門及各直省每遇元旦節前後各三日  
王公百官常朝處衣朝服辦事及入朝奏對咸衣  
蟒袍禮部豫於秋季封開印本內題明具旨來京  
右朝服

凡王公等進

午門親王隨從六名親王世子郡王五名郡王長子  
貝勒四名貝子三名公二名進

太和門親王親王世子隨從三名郡王郡王長子貝  
勒二名貝子公一名恭遇朝賀

皇帝陛殿王以下公以上止用護衛內一人攜坐褥  
右王公等隨從

恭遇

皇帝御殿受賀先期具題請



旨每逢朝期行知步軍統領衙門屆日於曉鍾時即啟  
正陽門俾城外居住各官早入

右戒期

至日五鼓變儀衛率官校入陳

法駕鹵簿親軍護軍旗尉民尉各服其服禁語譁者察  
不整備者樂部奉和聲署陳中和韶樂於

太和殿檐前設丹陛大樂於

太和門檐下有司設表案於

殿內東楹之南西向設筆硯案於

殿內西楹之南東向先期行工部取表文匣行鑾儀  
衛取舁亭校尉并令派員約束行樂部派署史備  
導迎樂均前一日赴部住宿至是禮部儀制司官  
奉中外臣工賀表載於亭鑾儀衛校自部舁行香  
亭前表亭後鼓吹前導導迎樂作奏禧平之章由  
東長安門至

午門外亭止儀制司官奉王以下在京文武官賀表  
進

太和殿設東楹案上內閣官奉筆硯設西楹案上皆



右陳設

辨侍班官位前引內大臣立  
御座前東西面後扈內大臣在

御座旁左右僉立豹尾班侍衛佩刀侍衛在

御座後左右翼立記注官立

殿內西三楹東面北上內閣大學士學士翰林院侍  
讀學士侍講學士詹事府詹事少詹事立東檐第  
三柱西面都察院左都御史副都御史樂部大臣

立西檐第三柱東面皆北上辨執事官位樂部典  
樂一人立檐東植麾之次西面和聲署領樂官六  
人分立東西樂懸之次東西面宣表官一人立東  
檐侍班官之次鴻臚寺鳴贊二人立東檐第一柱  
西面二人立西檐第一柱東面鑾儀衛傳鳴鞭官  
立丹陛西階每重二人東面糾儀御史二人立西  
檐第三柱東面御史四人禮部司官四人立丹陛  
之南御史四人立丹墀之北皆北上東西面又御  
史四人吏部禮部司官各四人在丹墀之南東西



僉立辨百官朝位丹陛上東西各三班親王郡王  
 貝勒為一班貝子入八分公為二班按翼序列左  
 翼立位西面北上拜位北面西上右翼立位東面  
 北上拜位北面東上丹墀內不入八分宗室公以  
 下暨公侯伯子男文武各官立位在鹵簿外直丹  
 陛東西隅東西各九班東西面北上滿官按翼為  
 序左翼在東右翼在西漢官吏部戶部禮部宗人  
 府通政司翰林院詹事府太常寺光祿寺鴻臚寺  
 國子監吏科戶科禮科內閣中書舍人欽天監太

醫院以次從左翼之南兵部刑部工部都察院大  
 理寺鑾儀衛太僕寺中書科兵科刑科工科順天  
 府京縣五城兵馬司三營以次從右翼之南皆正  
 從同班依品為序拜位在鹵簿內直東西階東西  
 列品級山自北而南各十有八正從異班依品為  
 序皆北面東班西上西班東上外藩蒙古王公等  
 位次宗室親王郡王貝勒子公之下哈薩克回子  
 王公等俱入蒙古王公班次以其等為序惟外國  
 貢使在西班後另為班次以朝鮮國領班



右序班位

質明王公暨文武一二品官從

皇帝朝於

皇太后宮三品以下官會

午門闕下均行禮畢

儀詳  
慈寧宮朝賀

鴻臚寺卿序定王

公班次鳴贊序定一二品官班次均由右翼門入

引王公至丹陛上引一二品官至丹墀東西鳴贊

序定三品以下官班次於

午門東由左掖門入

昭德門西由右掖門入

貞度門均引至丹墀司賓序班序定外國陪臣班次

引入西班百官後均依前位立糾儀官暨執事官

咸入就位欽天監官於

乾清門報時禮部尚書侍郎詣

乾清門奏請

御殿後扈內大臣二人率豹尾班執槍侍衛十人佩刀

侍衛十人於

乾清門外禮部尚書侍郎於門階下前引大臣十人



太和殿後階下咸左右序立祇候

午門鳴鐘鼓

皇帝禮服乘輿出宮禮部尚書侍郎恭導後扈內大臣

從由

保和殿

御中和殿陞座鴻臚寺官引侍班導從各官至

殿前接班行三跪九叩禮不贊畢侍班官先趨出就

位

皇帝駕輿禮部尚書侍郎暨前引大臣恭導後扈如初

中和韶樂作元旦奏元平之章

萬壽聖節奏乾平之章各至奏遂平之章

皇帝御太和殿陞座樂止導從官各就位鑾儀衛官進

至中階之右三傳鳴鞭丹墀內三鳴鞭退復位鳴

贊官贊排班丹陛樂作奏慶平之章鴻臚寺分引

王公就拜位引文武百官由鹵簿南轉入拜位皆

東西接班北面序立贊進皆進贊跪皆跪樂暫止

贊宣表宣表官自東檐入



殿左門至東案前奉表出至檐下正中北面跪大學

士二人左右跪展表宣表官宣畢仍奉表進復於

案退樂作贊叩興王公百官行三跪九叩禮興鴻

臚寺官按班引退皆復原位立樂止又贊進鴻臚

寺官引外國陪臣就西拜位立丹陛樂作奏治平

之章凡丹陛樂辭三大節皆同贊行三跪九叩禮畢引退復位

立樂止若數國並朝先朝鮮餘國以次遞引行禮

皇帝既受賀

賜羣臣及外國陪臣坐王公由

殿左右門入位東西楹後大學士由

殿左門入位東楹王公後導從侍班各官不入八分

公以下文武百官就原立處咸跪行一叩禮坐尚

茶進

皇帝茶王公百官就所坐位行一叩禮乃

賜王以下文三品武二品以上暨外國陪臣茶受茶及

坐飲畢咸跪行一叩禮鑾儀衛官傳鳴鞭如初衆

皆興階下三鳴鞭

駕興中和韶樂作元旦奏和平之章



皇朝文獻通考 卷一百二十五  
萬壽聖節奏泰平之章冬至奏允平之章

皇帝還宮樂止鴻臚寺官分引王公百官以次退禮部

儀制司官奉

殿上表及

午門外亭內直省文武官表送內閣咸退

茶右羣臣朝賀

是日內監豫設中和韶樂於

乾清宮檐下設丹陛大樂於

乾清門內

皇帝御太和殿受羣臣朝賀畢乘輿至

乾清宮檐前降輿中和韶樂作

樂章與外朝同

皇帝御座樂止

皇后率

皇貴妃

貴妃

妃

嬪禮服詣

乾清宮



皇朝文獻通考 卷二百二十五  
皇后就正中拜位立

皇貴妃

貴妃

妃

嬪稍後左右立均北面丹陛大樂作奏離平之章行

禮畢六肅三跪三拜禮畢樂止各還後宮內監引

皇子

皇孫由東西階升就丹陛上東西拜位北面立東班

西上西班東上丹陛大樂作樂章與外朝同行三跪九叩

禮畢樂止退立兩旁東西面北上中和韶樂作

皇帝降座樂止

皇子

皇孫皆退

右內朝賀

若值

駐蹕熱河朝賀是日早變籥衛陳

法駕鹵簿於

澹泊敬誠殿前內監設中和韶樂於



澹泊敬誠殿檐下兩旁設丹陛大樂於

二門內兩旁亭內俱北向扈從各官俱蟒袍補服至

澹泊敬誠殿齊集鴻臚寺官引

皇子

皇孫和碩親王以下入八分公以上及蒙古王公至

階下兩旁按翼排立二品以上大臣在

二宮門外三品以下各官在

避暑山莊門外各照品級按翼排立禮部堂官奏請

皇帝具龍袍衮服

陞澹泊敬誠殿寶座中和韶樂作 樂章俱同前

皇帝陞座樂止鑾儀衛官贊鳴鞭階下三鳴鞭鳴贊官

贊排班丹陛大樂作鴻臚寺官排班鳴贊官贊進

贊跪眾皆進跪贊叩與眾行三跪九叩禮鳴贊官

贊退俱復原位立樂止鑾儀衛官贊鳴鞭階下三

鳴鞭禮部堂官奏禮成中和韶樂作

皇帝還宮樂止眾俱出內監奏請

皇帝御內殿

陞座



皇后率

皇貴妃

貴妃

妃

嬪俱龍袍補服於

皇帝前行六肅三跪三拜禮禮成

皇帝起座

皇后

皇貴妃

妃

貴妃

嬪等還宮

右熱河朝賀

若值

行在所朝賀是日早扈從各官俱蟒袍補服於

行在宮之網城外齊集鴻臚寺官引

皇子

皇孫王公以下二品以上大臣至



皇帝行在宮網城內三品以下各官在網城外按翼排  
立禮部堂官奏請

皇帝御行在宮正殿

皇帝御殿陞座鴻臚寺官引

皇子

皇孫王公文武各官行三跪九叩禮復原位立禮部

堂官奏禮成

皇帝還行在後宮衆俱退內監奏請

皇帝御內殿

陞座

皇后率

皇貴妃

貴妃

妃

嬪俱龍袍補服於

皇帝前行六肅三跪三拜禮禮成

皇帝起座

皇后



皇朝文獻通考 卷一百二十五  
皇貴妃

貴妃

嬪等還宮

右

行在朝賀

太和殿筵燕儀

是日凡元旦及

萬壽聖節及

大慶典前期禮部疏請舉行筵燕領侍衛內大臣奏

請

命進酒大臣既得

旨乃徧布諸司供備屆日尚茶庖茶尚膳庖

御饌王以下入八分公以上進饌筵牲酒光祿寺供酒

席兩翼供羊辰刻

法駕鹵簿樂懸依次陳設於

太和殿笳吹隊舞雜伎百戲俟於

殿外東隅尚膳總領內管領豫於



寶座前設

御筵加黃幕武備院張黃幕於丹陛上正中內務府掌儀司設反坫於幕內尊爵金卮壺勺具禮部張青幕於丹墀內鹵簿之後東西各八光祿寺每幕置尊陳官饌具席皆有幕

右陳設  
乃布席領侍衛內大臣內務府大臣禮部理藩院尚書侍郎朝服視席布內外王公額駙台吉及入班大臣等席於

殿內東西各七行席各四十有一東席西向當東楹西席東向當西楹均北上

寶座左右布後扈大臣席各一稍後僉向寶座前左右布前引大臣席各三東西相向寶座後左右布領侍衛內大臣席各一又西布

日講起居注官席一均南向

殿門外西檐下布左都御史副都御史樂部大臣席一東向丹陛左右布一二品大臣一二品世爵暨侍衛席各三行席各二十有三東西相向東當東



皇朝文獻通考卷二百二十五  
三  
懸之外西當西懸之外北上布禮部尚書侍郎席  
一於黃幕左內務府總管席一於黃幕右丹墀左  
右青幕內布三品以下文武百官席按翼爲序如  
常朝之位席各二十有四均東西向外國陪臣來  
朝者席於西班之末東向

右布席

已刻內外諸王貝勒貝子公額駙台吉等朝服集  
太和門外文武大臣百官朝服外國陪臣服本國服

集

午門外午刻鴻臚寺官引宗室王公暨大臣理藩院  
官引外藩王公台吉在丹陛上又引文武百官在  
丹墀內分翼序立禮部尚書奏請

御殿

皇帝禮服乘輿出宮前引後扈如常儀

午門鳴鐘鼓中和韶樂作奏隆平之章

皇帝降輿入

殿北門

陛御座樂止階下三鳴鞭鴻臚寺理藩院官分引內外



王公台吉暨入班大臣等由

殿左右門入就位行一叩禮坐鴻臚寺引一二品大

臣暨一二品世爵侍衛等官就丹陛上又引三品

以下文武各官就丹墀青幕內按翼依次於本位

行一叩禮皆坐

右就位

迺進茶丹陛清樂作奏海宇昇平日之章尚茶暨

侍御執事官舉茶案以次由中道進至檐下進茶

官奉茶入

殿中門王以下咸就本位跪進茶官自

寶座中陞升跪進

皇帝茶興立於右王以下行一叩禮進茶官跪受茶甌

由右陞降出中門羣臣咸坐侍衛內務府護軍等

分

賜王以下文武百官暨外國陪臣茶各於坐行一叩禮

飲訖復叩坐尚茶徹茶案樂止

右進茶

尚膳總領護軍參領內管領入



皇朝文獻通考 卷一百二十五  
殿由東西陞升展

御筵幕執事官並徹王以下席幕各退迺進酒內務府  
掌儀司官三人由黃幕內一人奉壺一人奉爵一  
人執金卮以次進至

殿中門闕外之左西面立丹陛清樂作奏玉殿雲開  
之章進爵大臣與離席釋補服王以下皆與進爵

大臣入

殿中門北面跪王以下咸於坐跪掌儀司官舉壺實  
酒於爵由中門入西面跪授爵與退進爵大臣奉

爵與自

寶坐中陞升至

御前當右北面跪恭進

皇帝酒興由右陞降復位行一叩禮王以下皆隨行禮

進爵大臣興由右陞升跪受爵仍由中陞降復位

跪掌儀司官入跪受虛爵以退迺以金卮酌酒承

旨賜進爵大臣酒王以下起立掌儀司官入立授卮進

爵大臣受卮行一叩禮飲卒卮掌儀司官立受虛

卮退進爵大臣叩如初興王以下皆坐進爵大臣



出

殿右門加補服入席坐執事官分

恩賜果食於羣臣各於坐行一叩禮樂止

右羣臣奉觴上壽

迺進饌尚膳以饌入恭進於

皇帝前中和清樂作奏萬象清寧之章執事官分

恩賜肴饌於羣臣叩如前儀尚膳率屬舁反坫案于

殿中階下

御前侍衛酌酒升至

御座前

皇帝簡召王公大臣至

御前賜酒領侍衛內大臣東西各二人與離席視侍衛

行殿陛諸王大臣酒光祿寺官行丹墀青幕內文

武各官暨外國陪臣酒王以下各就本位行一叩

禮飲畢叩如初坐樂止

右行羣臣酒

是時禮部滿尚書侍郎率官屬引慶隆舞進司章

東面奏歌司舞飾面具乘馬進揚烈舞司弦司



皇朝文獻通考 卷一百二十五  
箏司阮司節司拍司拊諸樂人各奏其技喜起舞  
大臣十有八人朝服由

殿左門入詣正中跪三叩興退立於左循歌聲按對  
起舞每對舞畢行三叩禮歌闌退又引歌筚吹樂  
八人

殿歌畢又歌番部合奏樂歌畢內務府官引朝鮮國  
俳入陳百戲畢咸退

右樂舞入侑

行酒畢樂舞退尙膳升徹

御筵降王以下咸起立王公大臣出

殿左右門鴻臚寺理藩院官引王公至丹陛拜位序  
立引文武大臣降東西陛丹墀內百官出幕成就  
東西拜位序立北面聽贊行一跪三叩禮丹陛大  
樂作奏慶平之章禮畢樂止鳴鞭如初中和韶樂  
作奏顯平之章

皇帝還宮樂止羣臣皆退所司徹席幕各退

右謝恩

冬至朝賀



崇德元年定長至進表慶賀不設宴

順治元年十一月戊申以

南郊禮成

上御殿受諸王貝勒及文武羣臣朝賀

八年定長至節於次日

御殿受賀如元日儀

康熙二年二月停止在外各衙門齋進冬至慶賀

表文

諭禮部曰冬至慶賀典禮明洪武十四年方定例舉行其

後隨令在外各衙門官齋進表文今思官員往返有悞

職掌且驛遞繁苦以後在外各衙門官員除元旦聖壽

節照舊齋進外冬至齋進慶賀表文著停止惟於本衙

門行禮其在京慶賀表文典禮仍照舊行

六年十一月丁未冬至戊申

御殿諸王羣臣上表慶賀以

世祖章皇帝配

天禮成

頒詔大赦



雍正元年十一月辛丑冬至壬寅

御殿受朝賀以

聖祖仁皇帝配

天禮成

頒詔天下先是禮部奏冬至次日受賀

頒恩詔禮儀

上諭大學士九卿等曰朕惟

聖祖仁皇帝大禮告成普天同慶朕陞殿頒布恩詔蓋以  
賀

列祖之鴻禧慰萬方之誠悃也然朕思念

顧復深恩中心哀慕今未滿三年不忍陞陞受賀著內閣

九卿等詳察典禮酌古準今務期於禮允協庶朕心得

安大學士馬齊等奏言謹按漢禮儀云冬至之日宗祀

明堂登靈臺大赦百官稱賀此冬至配天行慶之

明文也自晉至唐宋皆隆其儀宋仁宗皇祐二年

以大慶殿爲明堂合祭天地三聖並侑大慶禮成

百官奏表上賀其後仍之名曰慶成禮明會典載

大祀禮成次日御奉天殿受賀我



皇朝文獻通考 卷一百二十五  
朝會典載冬至

南郊禮成次日

御殿百官進慶賀表臣等伏思先王制禮原以節情鉅  
典攸宜古今不易懇祈

俯允禮臣所請以二十六日

御殿諸王羣臣上表行禮頒

聖祖仁皇帝配

天恩詔誠於典禮符協得

旨諸臣酌古準今詳察典禮具奏朕今亦難固却但朕中

心實甚不安著允諸臣所請行

乾隆三年十一月庚申冬至壬戌

御殿受朝賀

臣等謹案是歲冬至次日辛酉係月十三日以值

聖祖忌辰改於十四日行禮

二十四年十一月庚戌冬至辛亥

御殿受朝賀以回部平定

頒詔中外

臣等謹案冬至朝賀禮儀亞於元日蔡邕獨斷謂



冬至陽氣起君道長故賀是也馬端臨朝儀一門  
具載歷代元旦冬至朝會儀注縱其間有僅一見  
者有不恒舉行者故特紀之以存一代之掌故焉  
我

國家典章明備每歲元旦冬至令節禮臣奏請

臨御正殿王公百官及外國陪臣以次行禮中外一家  
整齊嚴肅洵爲往牒所未行固無庸循馬氏之例  
一一臚列也茲惟恭載朔制更定諸大端及祇奉  
諭旨遵行者以昭萬世之典則焉



皇朝文獻通考卷一百二十五

皇朝文獻通考卷一百二十六

王禮考二

朝儀

聖節朝賀

臣等謹案古者華封之祝見於陶唐天保之詩陳於周雅朱子云人臣受恩無可以報謝者但言使君壽考而已至於生辰受賀唐開元禮始有之元宗手詔報左丞相源乾曜等所謂朝野同歡是為美事者也宋志有紫宸殿上壽之文明制始與元



日冬至並稱三大節我

朝定制

萬壽聖節進表慶賀王以下文武官俱朝服七日之元

列聖相承皆以深仁厚澤淪浹人心每遇

聖節薄海臣民羣抒祝嘏之忱蓋有不介以孚者

聖祖仁皇帝五旬六旬大慶及臨御之五十六十年諸臣

合詞請上

尊號皆謙而不居癸巳歲以六旬

萬壽

特頒恩詔遐邇均霑其詳載于

萬壽盛典一編

聖恩之渥自古所未有也

世宗憲皇帝五十聖壽禁止設立經壇

諭督撫不得進獻玩好

皇上御極以來恭儉惟德謙尊而光凡恭遇

萬壽慶辰必先期傳

諭內外臣工毋得購覓珍奇輒有進獻禁止各省士民設

經壇建碑亭之舉而且



特沛恩綸俾天下均霑樂利之休同登壽域尤仰見我  
皇上敬

天法

祖德合無疆洵度越千古矣

崇德元年定

萬壽聖節進表朝賀與元日同立

二年十月己未

萬壽節

上御篤恭殿內外和碩親王多羅郡王多羅貝勒固山貝

子三順王及朝鮮質子文武各官上表稱賀進獻

鞍馬黃金緞疋等物

四年十月戊申

萬壽節

御殿受賀次日賜諸王貝勒文武羣臣大宴

五年十月壬申

萬壽節

頒詔大赦遂

御殿受朝賀賜諸臣宴於禮部是日內院大臣等奏請



御殿

上諭曰今日乃朕誕辰內外諸王貝勒及文武羣臣莫不  
懼怖小民及罪人等亦應加恩令其同霑膏澤爾等可  
於朕未御殿時先宣讀赦書管畢來奏內院大臣等遂

出宣讀

寬溫仁聖皇帝詔曰朕恭膺寶錄敬迓鴻庥值壽域之宏  
開敷天同慶宜仁風之普被率工均霑特頒肆赦之條  
用沛好生之德茲萬壽之辰朕普施恩澤自諸王以下  
以及庶民罔不沾被卽有罪之人亦欲恩及之除十惡

外餘罪概行肆赦有以赦前事首告者法司不准審理  
其已議而未經結案者赦之若赦後有隱匿偷盜者仍  
行治罪宣讀畢復奏

上乃御崇政殿受王公百官朝賀如儀

七年十月壬戌

萬壽節自二十二日至二十八日凡七日王以下章京以

上俱朝服以國中方避痘停止作樂

順治三年正月令王藩蒙古各旗慶賀

聖誕進獻牛羊於每年元旦貢獻牛羊時一並奏進



八年四月定

萬壽聖節朝賀儀凡遇

萬壽節鹵簿大駕全設

上先詣

太廟行禮次詣

皇太后宮行禮畢陞太和殿鳴鐘鼓作樂諸王文武百官

行慶祝禮直省文武知州以上武官守備以上各

差官進慶祝表

十四年正月

萬壽節停止朝賀先期禮部奏行禮儀注

諭曰朕親政以來數年於茲雨暘未調盜賊未息民困未

蘇方切儆惕今以生辰受賀彌覺不安至日

皇太后儀仗全設朕親詣行禮其諸王羣臣賀表及筵宴

俱著停止

康熙元年三月辛卯

萬壽節

上率諸王大臣詣

聖祖母太皇太后



聖母皇太后兩宮行禮畢

御殿受諸王百官朝賀

四十二年三月癸丑

萬壽節停止朝賀筵宴是日

頒詔天下先是正月壬子諸王貝勒貝子公文武諸臣奏

今年三月十八日

皇上五旬大慶茲

聖駕巡閱南河臣等請於

駕發之前豫行慶賀禮恭進鞍馬緞疋等物

上諭曰朕之誕辰爾等如此進獻在外督撫亦必效之朕

必不受朕素嗜文學爾等諸臣有以詩文獻者朕當留

覽焉既而大學士等及部院諸臣恭進慶祝

萬壽無疆屏

上復卻之於是大學士等及部院諸臣復以慶祝

萬壽屏文繕寫冊頁進呈奏曰臣等恭製此屏皆敷陳我

皇上功德實事乞

賜留覽得

旨屏內所書之詞俱已載在冊頁朕留冊頁卽與留屏無



皇朝文獻通考 卷二百二十六  
異屆期

上詣

皇太后宮行禮停止朝賀仍

頒詔曰朕爲天下民生主宵旰勤勞勵精圖治凡國家之  
休戚間閭之樂利晷刻之間無不注意於此天下之大  
兆民之衆朕誰欺欺天乎今四十餘載親歷饑饉者不  
知其幾南北用兵者不知其幾人心向背者不知其幾  
天變地震者不知其幾自惟涼德不能撫育履冰臨淵  
兢業惟守仰賴

上天眷佑

祖宗厚德幸生創業未久之際方免失墜今海寓昇平年  
歲稍和生民俱已樂業邇來諸王大小臣工士庶因朕  
五旬輿情肫切屢請加上尊號朕堅意固辭不允所請  
蓋朕不以名譽稱揚爲尚惟以海內富庶爲心屢蠲賦  
役頻省刑罰總欲使老安少懷風俗醇厚漸幾於康乂  
隆平之治近因淮黃告成乃東南要務再授方略望其  
善後朕不辭勞瘁親往闕視見畿輔山左江浙等省耆  
老人民俱中心愛戴雖童孺亦咸歡欣瞻仰是知民心



皇朝文獻通考卷二百二十六  
皆一用是益深軫念視切如傷所以星夜回鑿茲特大  
沛洪恩普施遐邇庶幾民生咸登壽域和氣徧滿寰區  
安民則惠益宏逮下之仁御衆以寬聿溥好生之德布  
告天下咸使聞知

五十年三月丁未

萬壽節

御殿受朝賀先是諸王貝勒貝子公大臣官員等奏稱今

當五十年昇平之會中外臣民喁喁引領懇祈

誕受尊號以慰輿情我

皇上德盛不居屢詔未允臣等不敢更請茲者恭遇

萬壽聖誕乃敷天率土衢歌封祝之時仰祈

御殿受賀以愜中外諸臣及士子兵民人等之望得

旨朕於壽日停止朝賀已二十餘年茲諸王羣臣以今歲

當五十年昇平之會特請御殿行禮以愜中外仰望之

心公疏奏陳詞意誠懇朕勉順羣情應如所請屆期

上率諸王貝勒貝子公內大臣大學士侍衛等詣

皇太后宮行禮畢

御殿王以下文武諸臣上表慶賀如儀停止筵宴



萬壽聖節王以下文武各官朝服七日在

萬壽聖節王以下文武各官朝服七日在

御殿受朝賀禮貝子公內大學士等齊集前

頒詔天下先是五十一年十一月諸王貝勒貝子公文武

當正諸臣等以明歲

萬壽六旬正誕請上賀日二十餘年茲請王章臣以今

尊號

上不許至是年直省官員紳士耆庶先期赴

闕自三月初一日為始分建綵棚由西直門至

暢春園相屬二十里禮部奏言每歲恭遇

萬壽聖節王以下文武各官朝服七日在

暢春園蟒袍補服今歲恭遇

萬壽六旬大慶非尋常可比應自三月初一日起至月終

咸朝服蟒袍補褂嗣後每遇十年照此例行得

旨著自初一日至二十日三月戊寅朔

諭諸王貝勒貝子大學士九卿等曰朕昨進京見各處為

朕六十壽誕慶賀保安祈福者不計其數朕實涼德自

覺媿汗從來帝王之治天下罔不以民生為念若為一



已之私卽不能擴而充之矣朕若先知必令止之今已成矣難違衆志夜來思之達旦朕爲天下萬國蒼生之主萬姓安卽朕之安天下福卽朕之福若能祈禱雨暘時若家給人足則朕安寢飽食可以却病延年此朕之求福非有妄想也傳之各處凡有祝延萬壽者必以雨暘時若萬邦咸寧爲先朕已老矣有若無實若虛夙夜匪懈履薄臨深之念與日俱增豈敢自有滿假乎壬辰

上奉

諸王公內外羣臣恭進鞍馬緞疋等物却之甲午

皇太后御輦陳大駕鹵簿由

暢春園回宮直隸各省官員士庶夾道跪迎耆老等

跪獻萬年壽觴

上停輦慰勞徧賜老人等壽桃及食品諸王貝勒貝子公

文武大臣官員兵丁並於誦經處跪迎

上霽容俯視皆賜以食品是日遣官祇告

天

地

宗廟



社稷

頒恩詔曰朕五十餘年上畏天命下凜民瘁以敬以誠覃

思上理且以一心對越

上帝未嘗瞬息稍懈賴

昊穹之孚佑

祖宗之蔭庇國家蓄積有餘民間年歲豐稔朕以涼德勉

思

列聖體大順公操心慮患敷景運於休期洪基業於光顯

夙夜冰兢宵旰靡遑屈指春秋年屆六旬矣覽自秦漢

以下稱帝者一百九十有三享祚綿長無如朕之久者

朕之虛薄良深歉仄何敢稍有倦怠以負孜孜圖治之

初心况在位之久者始勤終忽往往不能垂令名於後

所以乾惕之懷彌殷憂勞之志愈切兼之承平歲久幅

員日廣戶口漸增風俗日薄朕與臣鄰夙夜在茲以剛

健中正惇大成裕謙尊有終持盈保泰猶恐未能豈自

滿假少有逸豫朕以天下爲心天下當亦體朕之衷各

矢蓋誠皆敦孝敬型仁講讓守已奉公務勤職業官僚

胥勸人士奮興使遐邇之均被小大之咸周以享昇平



皇朝文獻通考 卷二百二十六  
十一  
之福此非朕之德乃

天地

祖宗之賜今朕式慰中外臣民之情博考典禮大沛膏澤用稱躋世於仁壽之至意於戲錫民以福爲皇極得壽之徵御衆以寬乃萬國咸寧之本布告天下咸使聞知是日復

諭大學士等今歲天下老人爲朕六旬大慶皆從數千里匍匐而來如何令其空歸欲賜伊等筵宴然後遣回著查八旗滿洲蒙古漢軍漢人大學士以下民以上年逾

六十五歲者奏聞擇日賜宴內有艱於動履不能前來者聽之其能來者俱令之來卽不能來者朕另行按分頒給今時漸炎熱賜宴後卽令回籍耕種再查八旗滿洲蒙古漢軍以至包衣佐領下不論官員閒散人等年七十以上老婦亦著奏聞俟老人賜宴後再定一日送至

皇太后宮賜宴有艱於動履不能前來者聽之若有貧乏不能來者著各屬協助車馬使之前來俱開真實年歲不可捏報再敕宗人府諸王以下宗室子孫內二十歲



以下十歲以上選擇聰明堪供使令者六七十人令於  
耆老前執爵卽朕子孫皆令之出宗室外不用他人也

乙未

萬壽節

上率諸王公大臣侍衛等詣

皇太后宮行禮畢

御殿王以下文武各官及致仕給還原品官員行慶賀禮

八旗兵丁直隸各省耆老士庶齊集

午門外

大清門內叩祝行禮

上回宮內大臣侍衛內閣翰林院禮部都察院詹事府等

衙門侍直官員詣

乾清門行禮是日

上奉

皇太后幸暢春園王以下滿漢文武官員直隸各省耆老

士庶仍於各誦經處跪送玉賓宴漢大臣官員士

庶年九十以上三十三人八十以上者五百三十

八人七十以上者一千八百二十三人六十五以



以上者一千八百四十六人於十三人六十五以  
暢春園正門內諸三十三人八十八以上皆正百三十

皇子出視頒賜食品宗室子執爵授飲傳官員士

諭諸老人曰今日之宴朕遣子孫宗室執爵授飲分頒食

品爾等與宴時勿得起立以示朕優待老人至意

上陞座命扶掖八十歲以上老人至

御前

親視飲酒又

諭曰書稱文王善養老孟子云七十者刀帛不暖非肉不

飽帝王之治天下發政施仁未嘗不以養老尊賢為首

務近來士大夫只論居官之賢否而移風易俗之實政

入孝出弟之本心未暇講究朕因今日之盛典特宣此

意若孝弟之念少輕而求移風易俗其所厚者薄而其

所薄者厚矣爾等皆是老者比回鄉井之間各曉諭鄰

里須先孝弟倘天下皆知孝弟為重此誠移風易俗之

本禮樂道德之根非淺鮮也昨日甘霖大沛田野霑足

朕心大悅爾等無悞農時速回本地特諭甲辰宴八旗

大臣官員兵丁閒散等年九十以上者七人八十



以上者一百九十二人七十以上者一千三百九  
十四人六十五以上者一千十二人於元宴入  
本暢春園正門前如前儀乙巳八旗滿洲蒙古漢軍老  
里前婦齊集於天下皆賦幸與爲重此類亦風長命之  
賜暢春園矣爾等皆長壽共四歲共之間各歸歸  
皇太后宮門前隨名九十歲以上者入宮門內八十以上  
者至丹墀下七十以上者集宮門外大臣妻年老  
者亦皆名至宮門內賜坐各而歸風長命之寶也  
皇太后

上親視頒賜茶果酒食等物其餘令諸

皇子率宗室子以次頒給又賜大臣妻衣飾綵緞數  
珠銀兩賜八旗老婦白金各有差復准諸臣奏編

纂

萬壽盛典

六十年三月

萬壽節停止行禮筵宴先是五十九年十二月諸王貝勒

貝子公滿漢文武大臣等奏

皇上御極六十年普天大慶請行慶賀典禮



上諭大學士等曰朕素性不喜行慶賀禮是以元旦日惟照例行禮停止筵宴雖萬壽日亦久不行慶賀禮今王大臣等爲朕御極六十年奏請慶賀行禮欽惟

世祖章皇帝因朕幼年時未經出痘令保母護視於紫禁城外

父母膝下未得一日承歡此朕六十年來抱歉之處正月初七日

世祖章皇帝忌辰二月十一日

孝康章皇后忌辰朕何敢於正月初七二月十一日以前

行慶賀禮又見在西陲用兵地方官民運米送餉甚屬勞苦山陝二年歉收民有流離者去歲陝省地震兵民受傷今歲沙地震卽京城地亦微震正當君臣憂勤求治之時何喜之有此所奏不准行至是年正月以

御極六十年大慶

命皇子等恭代告祭

永陵

福陵

昭陵二月



親謁

暫安奉殿

孝陵

孝東陵告祭遣官告祭

天

地

太廟

社稷三月諸王公大臣百官合詞請上

尊號曰聖神文武欽明濬哲大孝弘仁體元壽世至聖皇

帝

上謙讓不許並

命停止慶賀及詔赦恩賚諸儀直省老人王年豐等詣

闕叩祝并進土產諸物皆却之仍賞賚有差

雍正元年十月

萬壽節停止朝賀筵宴令中外臣工毋得建立道場先是

七月

諭諸王大臣及內外交武各官朕惟自古帝王撫御寰區

治化隆盛中外臣民紀功述德頌禱情殷故天保之詩



皇朝文獻通考卷二百二十六  
卷阿之什擬升恒於日月期純嘏之彌長祝釐之詞形  
諸歌詠者往往有之我

聖祖仁皇帝御極六十餘年至治神功參兩

天地深仁厚澤超邁百王薄海內外無不食德飲和淪肌

浹髓臣工黎庶無以致其感激愛戴之誠故每於

萬壽聖節京師暨直省各建道場誦經祝壽總因

聖祖仁皇帝恩德及人者至久感人者至深諸臣於無可

報答之中勉竭忱悃以普天同慶之心儆誓封禪祝之

意在諸臣亦藉以自盡其心耳今朕嗣位之初夙夜祇

懼不敢少懈所以立政圖治者安能及

聖祖之萬一爾諸臣於朕誕日倘仍照從前建立道場則

自此以後將成定例在京王公以下及部院等官未免

從事靡文稽遲公事在外文武大吏亦恐科派屬員貽

累地方且以有用之財供無益之費既非朕以勤儉勵

有位之心又非朕以康阜期海內之意尚虛文而無裨

實政朕甚無取焉特宣布中外於朕誕日毋得建立祝

壽道場但冀內外諸臣各殫厥心勉襄化理勤修職業

利濟蒼生以慰朕宵衣旰食之焦勞卽不啻天保卷阿



皇朝文獻通考 卷二百二十六  
之祝頌矣若不遵旨朕必加以處分不少寬貸

五年十月壬子

萬壽節停止朝賀筵宴是歲閏三月

諭內外諸臣曰朕聞會試舉人感朕特恩以今年爲朕五十萬壽特於京城寺廟設立經壇以申頌祝之意此舉甚爲虛妄朕臨御天下孜孜求治凡所行之事惟以循理爲本誠以理之所在卽天意所在感孚默應捷於影響若朕所行悉合於理則問心無愧之處卽可以對越神明而輿情之頌祝與否皆可置之不問也朕儆戒乾

惕之功無時或釋舉人乃平日讀書明理之人當效法古之聖賢豈可爲此世俗妄誕之舉且朕正念士子貧寒歸途艱於資斧是以賞給路費今乃費於無用之地尤不能體朕之心矣其所設經壇卽行禁止朕又聞各省督撫因朕今年五十萬壽欲購奇玩好之物以爲進獻者此舉尤爲不可夫地方大吏偶有進獻方物土產者不過借此以達其瞻仰之意而朕之酌量收納則又復隨便分賜廷臣者亦所以聯君臣上下之情若今年亦只照每年之例備辦尚准其奏達朕前倘別有玩賞



之物則概不寓目朕仰賴

皇考福庇在藩邸數十年所蓄器玩頗有及卽位後見宮

中傳貽古玩器皿皆質朴之物實無奇異爲人所罕見

者視朕藩邸所藏尚屬不逮朕深用抱愧於懷當日

阿哥在東宮時廣蓄奇巧珍貴之物數倍於

皇考宮中之所有朕仰思

皇考恭儉至德實可垂法萬世父昭之誠切於五內益覺

三阿哥之所爲當爲鑒戒也朕旣深知三阿哥之非若

此時復留心玩好廣收進獻則將來子孫之賢而有識

者豈不以此爲朕躬之累乎朕意欲俟暇時將官中所  
有之物或爲

皇考傳留或朕藩邸舊蓄一一分晰標記以明

皇考之舊德俾世世子孫共知之又安肯多收玩好以滋

朕心之愧乎朕澄清吏治令督撫諸臣共勵廉隅卽量

予公費不過供其日用之需安有餘資搜求玩器倘轉

索之於屬員則又開下吏逢迎奔競之漸尚望其秉公

督率整飭官方乎朕心惟以民安物阜爲美薦賢舉能

爲貴倘督撫等秉公察吏實心爲國行一利民之政勝



於獻希世之珍也薦一可用之才勝於貢連城之寶也  
當年

皇考五十萬壽時朕再三懇請慶賀不蒙

俞允今朕五十壽誕躬自舉行於心實有未安至於設立

經壇建立碑亭等事在

皇考當日甚鄙而厭之因見諸臣籲懇之切隨便聽其舉

行乃朕所深悉者而其中羣下隱情在

皇考實不能深知朕居子臣之位四十年於臣庶情形皆

所親見是以不肯復爲內外諸臣其共體朕心祇遵朕

諭殫極誠意屏絕虛文勉之勉之四月復

諭曰朕今年五十已有諭旨不行慶賀禮昨揚名時南天

祥奏摺俱稱今年進京慶祝萬壽朕思

聖祖仁皇帝久道化成聖德神功際天蟠地當年五十

聖壽之時尚未允行慶賀之禮朕臨御以來雖時時有勵

精圖治之念又安海宇之心而實在善政善教可以造

福於

社稷蒼生者何事可以自信正當君臣交相儆勉期於

有成又安可爲此粉飾之事以滋煩擾乎朕之待下惟



皇朝文獻通考 卷一百一十六  
三  
有一誠諸臣果矢誠懇之念於隱微寤寐之中尊君親  
上如詩書所載元后父母之誼豈不勝於拜舞彤墀效  
稱觴祝嘏之儀節乎外任諸臣俱不必具本奏請來京  
只照常年之例行若有因地方事務應來陛見者朕自  
另降諭旨其各省耆民等若有欲來京慶祝者地方官  
切止之高年之人長途跋涉未免勞頓非朕體恤之意  
倘違朕旨而來俱不許奏聞朕亦不加以恩賜伊等若  
果有感恩戴德之忱何不訓誨子弟勸導鄉人使各爲  
善良各務本業而乃僕僕道路以爲報効朝廷乎再各

省地方若有指稱萬壽建立經壇或聚集梨園誼譁糜  
費者此皆生事不安本分之徒誘惑愚人希圖財利尤  
宜嚴禁倘地方官不行禁止經朕訪聞定照欺罔之律  
治罪將此通行各省並轉飭各府州縣咸使聞知

乾隆元年八月甲戌

萬壽節

上詣

雍和宮行禮畢還

宮詣



皇太后宮行禮停止慶賀是月

諭諸臣曰朕前降旨三年之內不行慶賀禮今八月十

三日為朕誕辰禮部循例題請已降旨停止行禮並

令朝臣勿穿蟒衣補服所有外省慶賀本章俱著內

閣發還

五年八月辛亥

萬壽節

御殿受朝賀前期

諭曰八月十三日為朕誕辰聞內外臣工以今年為三

十萬壽之期欲行慶賀貢獻之禮朕甚不取今年春

間外省督撫提臣中有請八月進京陛見者朕批諭

止之蓋朕年甫及壯不言慶賀且朕所望於內外臣

工者總在實心實政為國家宣猷効力不在稱觴祝

嘏之儀文著即傳諭內外臣工等仍照常年之例行

若有在常例之外者俱著停止

六年八月庚戌

萬壽節

時上  
行幸木蘭

駕幸熱河



上詣

皇太后宮行禮畢

御行殿扈從諸王貝勒貝子公文武大臣官員暨外藩

蒙古王以下各官行慶賀禮先是七月禮部奏言

八月十三日

萬壽聖節恭遇

聖駕巡幸扈從王大臣官員應於

行宮前行慶賀禮其班位王公大臣在網城內三品

以下官在網城外在京王公大臣官員於

午門前行慶賀禮其筵宴應行停止從之

臣等謹按

行幸日恭遇

聖誕慶賀之儀於是年禮部奏定嗣後每歲

巡幸熱河恭遇

聖節俱照此例

十五年八月癸未

萬壽節

御殿受朝賀是歲四月



皇朝文獻通考 卷二百二十六  
諭曰今年八月爲朕四十壽辰閱督撫諸臣奏摺有陳請來京慶祝者各省將軍督撫皆有封疆重任豈有概離職守來京慶祝之理一處陳請他處從而效之若明知不能悉允所請而各繕本章往來批答徒成具文豈君臣間以至誠相孚之誼耶當年

皇祖聖祖仁皇帝四十五十聖壽

皇考世宗憲皇帝五十聖壽俱未行慶賀禮

皇祖壽登六十始允臣民之請舉行慶賀今朕四十壽辰未屆應行祝嘏之時何必遽事紛紛陳奏著傳諭各

省文武大臣不必具摺奏請來京諸臣其明體朕意

二十五年八月甲申

萬壽節

御殿受朝賀先是二十四年十月

諭內閣曰雍正五年恭值

皇考五十萬壽因會試舉人請於京城寺廟設立經壇以

申頌祝欽蒙

頒諭禁止並

敕各直省督撫毋得因萬壽進獻玩好



聖訓有云朕心惟以民安物阜爲美薦賢舉能爲貴倘督撫等秉公察吏實心爲國行一利民之政勝於獻希世之珍舉一可用之才勝於貢連城之寶仰見我

皇考恭儉聖德實爲萬世訓行朕嗣服以來屢諭各督撫等不得於方物之外別有進獻諒內外大小臣工無不明體朕意開歲八月爲朕五十誕辰惟恐臣僚中或以萬壽聖節欲購覓珍竒共申祝嘏其各省士民或且有設立經壇建立碑亭之事非先期詳悉傳諭必將競事浮華徒滋糜費甚非所以勵官常惜物力

也朕心深所不取其飭禁之至在籍年老諸臣如尚書沈德潛侍郎錢陳羣等若以隨班叩祝跋涉遠來亦非朕優禮老臣之意况辛巳恭遇

聖母皇太后七十大慶以新春敬奉

安輿時巡南服諸臣就近迎鑾相見不遠又何必僕僕道路爲耶著將此通行傳諭知之是歲七月宜各員諭曰今年爲朕五十誕辰已降旨臣工等不得以合詞慶祝踵事繁文至督撫等各省土宜方物朕不過以其封疆大吏藉聯上下之情未可徑斥若藩臬兩司



皇朝文獻通考 卷一百二十一  
其位次本不宜貢獻前庚午年早經傳旨飭禁惟託庸等數人以兼管關差織造故不在遣卻之列乃今日調任甘肅布政使許松佶具摺進貢微特不悉朕意於體制亦屬冒昧已飭奏事處發還恐直省各員未能遍曉效尤之習不可不防其漸將此宣諭知之

三十五年八月丙辰

萬壽節

御殿受朝賀先是三十四年八月制禮部疏稱數來諭內閣曰前者朕五十誕辰恐直省臣民有啟經壇立

碑亭貢獻稱祝之事或致糜耗物力曾預飭禁止茲明年八月屆朕六十正誕意中外耆庶必有以週甲聖節非五旬大慶比欲申祝釐以抒愛戴者情固難却而非朕心所樂從用是明切宣示朕臨御三十四年以來承

累洽重熙之盛海宇乂寧民氣恬樂復仰荷

上蒼眷佑連歲屢豐方思上答

鴻庥宏敷闡澤以嘉惠吾民益臻熙阜國家之瑞莫大於此且越歲辛卯卽恭遇



聖母皇太后萬壽

璇闈慶典亘古稀逢朕將率天下臣民臚歡舞綵敬迓  
慈禧自當聽衢巷謳歌共展

尊親之義又何必因朕躬慶辰頻年祝嘏多此繁文縟節  
爲哉其布告天下咸體朕意一切仍遵二十四年所  
降諭旨不必舉行各省督撫亦不必以來京叩祝爲  
請並不必進奉珍玩及綉緞裘裏等物至在籍大臣  
中如尚書沈德潛壽屆期頤錢陳羣亦年逾八袞不  
宜復以遠涉勞筋力已諄復傳諭令其無庸親詣京

師叩祝俾黃髮耆臣領袖江鄉父老攜杖呼嵩爲熙  
朝盛事不亦美歟茲將此通行傳諭知之是歲四月  
諭曰本年爲朕六旬慶辰中外臣民咸有以週甲聖節  
籲請祝釐者雖出愛戴至誠但崇尚繁文必至耗糜  
物力朕心不以爲然昨歲已明降諭旨預爲飭禁今  
據高晉奏稱江南士民擬在該處各寺觀建壇啐經  
演戲稱祝者殊爲未喻朕旨朕臨御三十五年以來  
祇膺

昊蒼鴻眷寰宇乂寧民氣和樂惟期推仁究澤嘉惠海內



元元益臻康阜國家上瑞莫大於是况歲屆辛卯恭逢

聖母皇太后八旬萬壽朕將率天下臣工耆庶舞綵臚歡敬迓

慈禧而隆慶典若因朕躬誕辰頻年稱祝致令多方預備朕心實所不取該督等誠切呼嵩屆期祇須率領官吏紳士于萬壽宮照常行禮慶祝已足共抒忱悃所有建壇演戲等事概不必行高晉既有此奏恐他省亦有似此瀆陳者實非朕所樂聞著再通行明切曉諭俾咸體朕意毋有所請聞五月

諭曰今日各部旗大臣等具奏以本年為朕六旬慶辰

請于御園預備稱祝所奏不必行園中地本不寬勢難令文武大臣聯班並列且越歲辛卯恭遇

聖母皇太后八旬萬壽普天慶洽朕將躬率臣工舞綵臚

歡以敬迓

慈禧宏敷慶典九卿等屆期自可共抒忱蹈之誠若因朕躬誕辰頻年稱祝為此無益之舉實非朕所樂從昨歲恐中外臣民因朕週甲聖節籲請建設經壇延釐



祝嘏徒致耗糜物力已明降諭旨預爲飭禁今復思大臣中有因萬壽備物進獻者伊等身膺顯秩藉此以申忱悃原非過分但亦當予以限制如內而大學士尚書都統外而總督巡撫尚可允其奏進其在京侍郎副都統以下併外省提鎮學政藩臬等人數旣繁若紛紛呈進在諸臣旣徒事分心購辦進覽時朕又增檢閱之煩甚無謂也所有伊等預備之處概不必行並敕奏事處毋許傳進七月禮部奏八月十三日皇上六旬聖節請舉行典禮奉

諭照例行禮所有筵宴文已于元旦舉行本日著停止至

八月大學士奏共逢

萬壽聖節各省在籍大小臣工來京多備有詩冊除大臣例得奏進其餘品秩小者請令自赴吏部投遞彙交軍機處開單進呈奉

旨著交禮部丙戌

皇上六旬萬壽聖節

上詣

奉先殿行禮率王公大臣等詣



皇朝文獻通考 卷二百二十六  
三  
慈寧宮行慶賀禮隨

御太和殿受王公文武百官行慶賀禮禮畢

上奉

皇太后於壽安宮侍早晚膳

賜宗室王公內廷大臣及諸外藩回部鄂堆等宴

四十五年八月己未

萬壽節

御殿受朝賀先是四十四年八月

諭曰前因江浙督撫等以兩省臣民望幸奏請巡閱河工

海塘已降旨允於庚子春正月諏吉南巡至所稱明  
歲爲朕七旬萬壽欲就近申祝則斷乎不可業經宣  
諭飭禁蓋朕本意原以庚子爲朕七旬誕辰辛丑卽  
聖母九旬萬壽連歲疊逢大慶中外臚歡自可聽其抒誠  
祝

嘏今旣不能遂朕初願朕復何心爲已稱慶惟念士民想

望恩澤積有歲年因詔開鄉會恩科並輪免各省漕

糧一週以洽羣悃明年南巡迴鑿後俟

北郊禮成卽啟程幸避暑山莊駐蹕八月慶辰一切仍照



皇朝文獻通考 卷二百二十六  
常例行若在京受賀惟恐轉多根觸遂至山莊以避之至於西藏班禪額爾德尼預請覲祝實屬吉祥盛事是以允其前來卽令於山莊瞻謁俾從其便朕并非因其稱祝先期往就之也恐內外臣工尚未能深喻朕意仍有以慶典爲請者非惟不能博朕之悅適以增朕之懷又豈臣子愛敬之道俟朕八旬大慶則當聽從諸臣稱祝此次必不允行又前屆朕六旬萬壽時自古北口熱河兩處曾有點綴段落燈綵之類本屬朕所不取明年尤當嚴禁將此再行通諭知之

至是歲正月朔庚辰

上御中和殿陞座內大臣侍衛暨內閣翰林院詹事府

禮部樂部都察院等衙門官員行慶賀禮畢

御太和殿陞座諸王貝勒貝子文武大臣官員及來朝

外藩蒙古哈薩克回部王貝勒貝子公台吉等朝

鮮諸國陪臣進表行慶賀禮畢

頒詔天下

詔曰朕統御寰區勤求郅治茂時育物畏懼滋深仰賴

上蒼眷佑



列聖貽麻海宇牧寧輿圖式廓孜孜夙夜於今四十五年  
春秋正屆七旬緬惟  
皇祖聖祖仁皇帝法

天行健久道化成我

皇考世宗憲皇帝丕繼

鴻謨厚澤深仁淪肌浹髓朕祇適寅虔不敢暇逸以承

前列惟冀實心實政永底昇平至如臣工慶賀繁文概所

弗取第念中外臣民企慕瞻依彌形篤摯已於乾隆

四十三年降旨普免天下錢糧並特開鄉會試恩科

以宏樂利之庥以廣作人之化今茲履端協慶率土  
咸熙允宜俯協輿情溥施大澤我

皇祖六旬萬壽曾特頒

恩詔遐邇均霑朕惟以

皇祖之心爲心覃敷闡澤嘉與天下臣民共躋仁壽用稱

朕敬

天法

祖加惠黎元之意於戲惠此萬方俾緝熙於純嘏欽時五

福用敷錫厥庶民布告天下咸使聞知三月癸未



諭曰前以庚子年爲朕七旬萬壽恐內外臣工欲申祝嘏屢經宣諭飭禁此次南巡回鑾後一俟

北郊禮成卽啟程幸避暑山莊各督撫等皆不必前來稱祝更恐外省督撫不能仰體朕懷聞因七旬萬壽有取九九之義購備貢品誇多鬪靡甚至力有不逮而隨衆效尤勉爲充數尤屬不必各省督撫身任封疆惟當大法小廉奉公勤職副朕委任本不當以進奉見長著再傳諭各督撫今年八月慶辰一切仍照常例若借七旬萬壽爲名多事繁文以申媚茲之悃不

但爲朕所不取且現經降旨令奏事處屆期遇有多進貢物著一概不准接收諸臣其善體朕意毋得藉辭請覲致增煩費轉滋擾竇將此通諭各督撫知之

七月丁酉班禪額爾德尼自後藏來恭祝

萬壽至

避暑山莊於

澹泊敬誠殿丹墀跪請

聖安

上於依清曠殿



賜坐慰問

賜茶畢

上詣寶筏喻

烟波致爽

雲山勝地各佛堂拈香班禪額爾德尼從禮畢

上還行宮

八月己未

萬壽聖節

上御澹泊敬誠殿受王公大臣官員及蒙古王公貝勒

額駙台吉回部郡王霍集斯等並阿奇木伯克貝

子色提布阿爾第等十一人杜爾伯特汗瑪克蘇

爾扎布等五人土爾扈特汗策凌那木扎爾等九

人朝鮮正使錦城尉朴明源等三人烏梁海散秩

大臣伊素特等三人喀什噶爾四品噶咱納齊伯

克愛達爾之子烏魯克等三人木坪宣慰司堅木

叅囊康等四十四人行慶賀禮禮畢

命隨至卷阿勝境

賜茶果



四十八年停止

萬壽慶節內外臣工貢物先是二月

諭曰向來內外臣工每於萬壽慶節備物呈進率成例

事今歲秋間朕自熱河啟鑾詣盛京恭謁

祖陵蹕路經由蒙古部落道里較遠長途繁費更多未便

所有本年萬壽貢物不必先期齎赴熱河呈進王公

大臣各省督撫等務期仰體朕意毋滋煩瀆將此通

諭知之八月又奉

諭曰朝鮮列在外藩勤修職貢最為恭順今以朕臨幸

盛京遣陪臣齎表修貢迎駕請安並祝萬壽藉抒忱  
悃甚屬可嘉著屆時當加恩齎以示優眷著禮部堂  
官傳諭知之

盛京朝賀

臣等謹按恭遇

皇帝躬謁

祖陵

巡幸盛京

駕至之次日



御殿受朝賀與在京朝賀同今附載於三大節朝賀之後

雍正六年定

盛京文武各官朝賀照在京文武官品級序定班次

乾隆四十八年八月奉

諭曰此次前往盛京遇陞殿慶賀行禮所有隨從王公

大臣俱著穿蟒袍補褂毋庸攜帶朝服其盛京官員

亦著一體穿蟒袍補褂行禮至尊藏

冊寶行禮時亦並著穿蟒袍補褂

盛京朝賀儀

皇帝至

盛京扈從之王公各官咸朝服豫至

大清門候

駕入

陞崇政殿

賜茶畢

皇帝入宮各退

右恭迎



聖駕進宮

次日早陳

法駕鹵簿於

崇政殿前陳中和韶樂於

殿檐下二層階臺下之兩旁陳丹陛大樂於兩旁樂

亭乾隆八年奏請建設盛京樂懸以中和韶樂

一分丹陛大樂一分留盛京禮部衙門朝賀

詔案表案各一於

崇政殿東之南又設黃案一於丹屏正中設黃雲蓋

盤於丹墀內

如不蓋雲盤及

頒詔不設贊

本部堂官奉王

以下文武各官所進慶賀表恭設於

殿內東旁案上內閣學士恭奉

詔書安設於

殿內東邊黃案上

右陳設

鴻臚寺官引隨

皇子以下各官俱蟒袍補服和碩親王以下入八分

公以上於



皇太后行宮外按翼排立文武各官及朝鮮使臣於

大清門外按翼排立執事官豫設

皇帝拜褥於

皇太后行宮門外正中本部堂官奏請

皇帝具禮服出宮於東旁門內乘輿本部堂官前引至

皇太后行宮門外降輿東旁立本部堂官轉傳內監奏請

皇太后陞座本部堂官引

皇帝至拜褥上立王以下文武各官俱向上立鳴贊官

奏跪拜興

皇帝率皇子王公行三跪九拜禮興文武各官及朝鮮

陪臣於

大清門外隨行禮禮成本部堂官引

皇帝仍至原位立轉傳內監奏請

皇太后還宮本部堂官奏禮成引

皇帝還宮皆退

以上係乾隆十九年定

右朝賀

皇太后儀

鴻臚寺官引隨



駕皇子王公並外藩王公等在

殿外兩旁立引隨

駕之文武大臣官員在丹墀東旁各按品級侍立引

盛京文武大臣官員並

陵寢官員在丹墀西旁各按品級侍立引朝鮮使臣於丹

墀西旁百官之末侍立耆老領催等皆齊集於

大清門外屆時本部堂官奏請

皇帝御龍袍袞服乘輿出宮本部堂官恭導

皇帝陞

崇政殿寶座中和韶樂作奏咸平之章

皇帝陞座樂止鑾儀衛官贊鳴鞭丹墀內三鳴鞭鳴贊

官贊排班鴻臚官引

皇子以下文武各官並朝鮮國使臣排班

朝鮮使臣  
向例另班

行禮乾隆四十八年具奏  
禮成慶賀事宜令朝鮮使臣附於西班末

右序班

丹陛樂作鳴贊進贊跪贊宣

表宣表官至黃案前捧

表跪於



殿檐下正中大學士二人跪於左右展

表樂止宣表官宣畢捧

表起立丹陛樂作奏慶平之章捧表官捧

表置於黃案上退鳴贊官贊叩興行三跪九叩禮興

鳴贊官贊退皆退復原位立樂止大學士奉

詔書至

崇政殿檐下授本部堂官跪受由中階左旁至丹陛

正中安設於黃案上行一跪三叩禮跪奉

詔書起本部堂官奉雲盤受

詔書安置雲盤內興黃蓋前導由中道出

大清門文武各官隨出

皇帝賜王公大臣坐

賜茶畢鑾儀衛官鳴鞭王以下皆起立中和韶樂作奏

和平之章

皇帝還宮本部堂官奉

詔書至

大清門外安設龍亭與

京師頒



詔儀同

右宣表

皇后率

妃

嬪慶賀

皇帝行禮與

皇太后行宮慶賀行禮

如

嬪於

皇后前慶賀行禮並與

京師儀同

盛京官員每歲恭遇

皇帝萬壽及元旦冬至行朝賀禮

屆期內務府官詣

崇政殿啟扉拂拭

御座禮部官恭設香案於

殿外正中南向辨百官位於丹墀內按旗分左右翼

東班西上西班東上均北面鳴贊二員分立班行



之北引班二員分立班左右贊禮郎充均東西面文武

各官咸朝服於大清門外祗候屆時引班分引至

大清門外祗候

崇政殿丹墀內鳴贊贊齊班引班引各官就拜位立

贊進贊跪叩興百官行三跪九叩禮贊退引班引

各官退凡冬至至行禮贊

盛京朝賀糾儀以

盛京禮部司官二人

直省朝賀

臣等謹案凡恭遇

萬壽及元日冬至在外交文武諸臣有望

闕行禮之儀今附載於三大節朝賀之後

順治八年定三大節在外交文武官均設香案朝服

望

闕行禮與京朝官同

康熙二十二年定直省朝賀班位凡直省班次將

軍總督加將軍衙提督為一班巡撫副都統提督

加左右都督衙總兵官乾隆十八年裁加衙為二班加都督



同知以下銜總兵官協領叅領巡鹽御史織造郎  
中督關郎中布政使按察使各道爲三班佐領督  
關員外郎知府副將叅將爲四班防禦督關主事  
司庫同知通判遊擊都司爲五班驍騎校知州知  
縣守備爲六班有品級筆帖式有品級庫使經歷  
州同州判縣丞千總等官爲七班滿洲蒙古漢軍  
官分兩翼漢官分文東武西

雍正八年令外省朝賀設糾儀官凡直省望

闕朝賀設糾儀官省會以道員一人如無道員用府

同知一人外府以同知一人無同知則用通判無  
同知通判則用教官一人州縣俱用教官一人屆  
期糾儀官黎明先至文武各官行禮時糾儀官旁  
立監視禮儀如有越次失儀及遲悞不到者糾儀  
官揭報督撫指名題叅凡遇有

欽差人員一二品大臣列在第一班之首三品以下之  
京堂列在第二班之首五品以下之部院官員均  
列在第二班之末



皇朝文獻通考

皇朝文獻通考

皇朝文獻通考

皇朝文獻通考

皇朝文獻通考

皇朝文獻通考

皇朝文獻通考

皇朝文獻通考卷一百三十六

二十六





